

tur, ab his in terra vita hujus pueri (*vel* puellæ) muniatur. Per Christum Domini nostrum. R. Amen.

Completa Oratione ultima Sacerdos imponat dexteram manum super caput infirmi, et dicat:

Super ægros manus imponent, et bene habebunt. Jesus, Mariæ Filius, mundi salus et Dominus, meritis et intercessione sanctorum Apostolorum suorum Petri et Pauli et omnium Sanctorum, sit tibi clemens et propitius.

R. Amen.

Quod sequitur Evangelium, pro temporis opportunitate et pro ægrotantibus pueri parentum desiderio, Sacerdotis arbitrio dici poterit.

¶. Dominus vobiscum. R. Et cum spiritu tuo. Initium sancti Evangelii sedundum Joannem.

¶. Gloria tibi, Domine.

Dum Sacerdos dicit Initium, etc., facit signum crucis de more super se in fronte, ore et pectore; similiter super puerum infirmum, si non potest se signare.

In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hominum: et lux in tenebris lucet, et tenebrae eam non comprehendenterunt. Fuit homo missus a Deo, cui nomen erat Joannes. Hic venit in testimonium ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, et mundus per ipsum factus est, et mundus eum non cognovit. In propria venit et sui eum non receperunt. Quotquot autem receperunt eum, dedit eis potestatem filios Dei fieri, his, qui credunt in nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt (*Hic genuflectitur*). Et Verbum caro factum est, et habitavit in nobis: et vidimus gloriam ejus, gloriam quasi Unigeniti a Patre plenum gratiæ et veritatis. R. Deo gratias.

Postea benedicens puerum infirmum, subjungat dicens:

Benedictio Dei omnipotentis, Patris, et Filii ✕, et Spiritus Sancti, descendat super te, et maneat semper. R. Amen.

Deinde adspergat eum aqua benedicta.

Si fuerint plures infirmi in eodem cubiculo vel loco, Orationes et Benedictio prædictæ dicuntur super eos numero plurali.

BENEDICTIO VESTIUM ET CINGULI QUÆ DEFERENTUR
IN HONOREM B. MARIE VIRGINIS

Pro benedictione Vestis

131. ¶. Adjutorium nostrum in nomine Domini. R. Qui fecit cœlum et terram.

¶. Dominus vobiscum. R. Et cum spiritu tuo.

OREMUS

Bene ✕ dic, Domine, vestem istam, in honorem et sub protectione beatissimæ Virginis Mariæ sumendam; et præsta per invocationem sancti tui nominis; ut qui eam induerit, corporis sanitatem, et animæ tutelam percipiat. Per Christum Dominum nostrum. R. Amen.

Deinde Vestis adspergatur aqua benedicta.

Pro benedictione Cinguli

¶. Adjutorium nostrum in nomine Domini.

R. Qui fecit cœlum et terram.

¶. Dominus vobiscum. R. Et cum spiritu tuo.

OREMUS

Deus, qui ut servum redimeres, Filium tuum per manus impiorum ligari voluisti: bene ✕ dic, quæsumus, cingulum istud; et præsta, ut famulus tuus, qui eo veluti sui corporis penitentiali ligamine cingetur, vinculorum ejusdem Domini nostri Jesu

Christi perpetuus existat amator, tuisque semper obsequis se alligatum esse cognoscat. Per eumdem Dominum nostrum Jesum Christum Filium tuum, etc. R. Amen.

Deinde Cingulum adspergatur aqua benedicta.

BENEDICTIO LINTEAMINUM PRO INFIRMIS

132. V. Adjutorium nostrum in nomine Domini. R. Qui fecit cœlum et terram.

V. Dominus vobiscum. R. Et cum spiritu tuo.

OREMUS

Domine Iesu Christe, qui per tactum fimbriarum vestimentorum tuorum mulierem fluxu sanguinis laborantem, aliosque passim infirmos sanare dignatus es, et per sudaria, et semicinctia Apostoli tui Pauli languores et spiritus nequeam ab infirmis eadem virtute fugasti: præsta, quæsumus; ut qui his vestimentis, velis, et linteaminibus, quæ in tuo nomine bene dicimus, induiti vel operati fuerint, sanitatem mentis et corporis percipere mereantur. Qui vivis et regnas in sæcula sæculorum.

R. Amen.

BENEDICTIO CUJUSCUMQUE MEDICINÆ

133. V. Adjutorium nostrum in nomine Domini. R. Qui fecit cœlum et terram.

V. Dominus vobiscum. R. Et cum spiritu tuo.

OREMUS

Deus, qui mirabiliter hominem creasti, et mirabilius reformasti, qui variis infirmitatibus, quibus detinetur humana mortalitas, multiplici remedio succurrere dignatus es, propitius esto invocationibus nostris, et sanctam tuam de cœlis bene diccionem super hanc medicinam infunde; ut ille, qui eam sumpserit (*vel* hi, qui eam sumpserint), sanitatem

mentis et corporis percipere mereatur (*vel* mereantur). Per Christum Dominum nostrum.

R. Amen.

Et mox aspergat medicinam aqua benedicta.

BENEDICTIO CASEI ET BUTYRI

134. Dignare, Domine Deus omnipotens, bene dicere, et sancti ficare hanc creaturam casei et butyri, quam ex adipe animalium producere dignatus es: ut quicumque ex populis tuis fidelibus de eis comederint, omni benedictione cœlesti, et gratia tua saturati, repleantur in bonis. Per Christum Dominum nostrum. R. Amen.

BENEDICTIO VOLUCRUM

135. Deus, universæ conditor naturæ, qui inter cæteras diversarum creaturarum species, pro humani generis usu etiam volatilium genus ex aqua producere dignatus es: de quibus Noe ex arca egrediens, holocaustum tibi placitum obtulit; et qui populo tuo ex Ægypto educto per Moysen servum tuum, munda ab immundis segregans, ut de iis ederent, præceptum dedisti: te supplices rogamus, ut has mundarum avium carnes bene dicere, et sancti ficare digneris; ut quicumque ex iis comedent, benedictionis tuae abundantia repleantur, et ad æternæ vitæ pascua pervenire mereantur. Per Christum Dominum nostrum. R. Amen.

BENEDICTIO APUM

136. V. Adjutorium nostrum in nomine Domini. R. Qui fecit cœlum et terram.

V. Dominus vobiscum. R. Et cum spiritu tuo.

OREMUS

Domine Deus omnipotens, qui creasti cœlum et terram, et omnia animalia super ea et in eis existentia, ut eis uterentur homines; quique jussisti per

ministros sacrosanctæ Ecclesiæ cereos ex operibus apum eductos in templo, dum sacrum peragitur ministerium, in quo conficitur et sumitur sacro-sanctum corpus et sanguis Jesu Christi Filii tui, accendi: descendat tua sancta bene ✕ dictio super has apes et hæc alvearia; ut multiplicant, fructif-
cent et conserventur ab omnibus malis, ita ut fruc-
tus ex eis provenientes ad laudem tuam, Filii et
Spiritus Sancti, beatissimæque Virginis Mariæ dis-
pensentur. Per Christum Dominum nostrum.

¶. Amen.

Et alvearia adspergantur aqua benedicta.

BENEDICTIO PECORUM ET JUMENTORUM

137. ¶. Adjutorium nostrum in nomine Do-
mini. ¶. Qui fecit cœlum et terram.

¶. Dominus vobiscum. ¶. Et cum spiritu tuo.

OREMUS

Domine Deus, rex cœli et terræ, Verbum Patris.
per quod omnia facta sustentationi nostræ tradita
sunt, respice quæsumus humilitatem nostram: et
sicut nostris laboribus et necessitatibus subventio-
nem tribuisti, ita tua benignissima miseratione, ac
coelesti benedictione, hæc pecora et armenta (hoc
pecus et armentum) bene ✕ dicere, tueri, et custo-
dire, ac famulis tuis cum temporali proventu gratia-
m perpetuam largiri digneris: ut cum gratiarum
actione nomen sanctum tuum laudetur et glorifice-
tur. Qui vivis et regnas cum Deo Patre in unitate
Spiritus Sancti Deus, per omnia sæcula sæculorum.

¶. Amen.

In nomine Pa ✕ tris, et Fi ✕ lii, et Spiritus ✕
Sancti. ¶. Amen.

BENEDICTIO EQUORUM ET ANIMALIUM

In festo S. Antonii

138. ¶. Adjutorium nostrum in nomine Domini. ¶. Qui fecit cœlum et terram.

¶. Domine, exaudi oratione meam.

¶. Et clamor meus ad te veniat.

¶. Dominus vobiscum. ¶. Et cum spiritu tuo.

OREMUS

Deus, refugium nostrum, et virtus, adesto piis
Ecclesiæ tuæ precibus, auctor ipse pietatis, et
præsta; ut quod fideliter petimus, efficaciter conse-
quamur. Per Christum Dominum nostrum.

¶. Amen.

OREMUS

Omnipotens sempiterne Deus, qui gloriosum
beatum Antonium, variis temptationibus probatum,
inter mundi hujus turbines illæsum abire fecisti:
concede famulis tuis; ut et præclaro ipsius proficia-
mus exemplo, et a præsentis vitæ periculis ejus
meritis et intercessione liberemur. Per Christum
Dominum nostrum. ¶. Amen.

Bene ✕ dictionem tuam, Domine, hæc animalia
accipiant: qua corpore salventur, et ab omni malo
per intercessionem beati Antonii liberentur. Per
Christum Dominum nostrum. ¶. Amen.

Deinde adspergantur aqua benedicta.

BENEDICTIO ANIMALIUM PESTE VEL ALIO MORBO
LABORANTIUM

139. *Sacerdos superpelliceo et stola violacea in-
dutus, dicat:*

¶. Adjutorium nostrum in nomine Domini.

¶. Qui fecit cœlum et terram.

¶. Domine, non secundum peccata nostra facias
nobis.

¶. Neque secundum iniquitates nostras retri-
buas nobis.

¶. Homines et jumenta salvabis, Domine.

¶. Quemadmodum multiplicasti misericordiam
tuam, Deus.

- ¶. Aperis tu manum tuam.
R. Et imples omne animal benedictione.
¶. Domine, exaudi orationem meam.
¶. Et clamor meus ad te veniat.
¶. Dominus vobiscum. R. Et cum spiritu tuo.

OREMUS

Deus, qui laboribus hominum etiam de mutis animalibus solatia subrogasti: supplices te rogamus; ut sine quibus non alitur humana conditio, nostris facias usibus non perire. Per Christum Dominum nostrum. R. Amen.

OREMUS

Misericordiam tuam, Domine, supplices exoramus; ut haec animalia, quae gravi infirmitate vexantur, in nomine tuo atque bene~~X~~dictionis virtute, sanentur. Exstinguatur in eis omnis diabolica potestas, nec ulterius ægrotent. Tu eis, Domine, sis defensor vitæ, remedium sanitatis. Per Dominum nostrum Jesum Christum Filium tuum: qui tecum, etc. R. Amen.

OREMUS

Averte, quæsumus Domine, a fidelibus tuis cuncta propitiis flagella: et morborum in animalia sacerdantium depelle perniciem; ut quos merito plectis devios, foveas tua miseratione correctos. Per Christum Dominum nostrum. R. Amen.

Et adsparget aqua benedicta.

BENEDICTIO SALIS VEL AVENÆ PRO ANIMALIBUS

140. ¶. Adjutorium nostrum in nomine Domini.
R. Qui fecit cœlum et terram.
¶. Dominus vobiscum. R. Et cum spiritu tuo.

OREMUS

Domine Deus, omnium conditor et conservator, cuius in manu est anima omnis viventis, et spiritus universæ carnis: exaudi quæsumus, tuorum fidelium preces, et hanc creaturam salis (*vel* avenæ) tua benedictione, tuæque invisibilis operationis virtute perfunde; ut animalia quæ necessitatibus humanis tribuere dignatus es, cum ex eo (*vel* ea) gustaverint, ab omni morbo illæsa reddantur, et a maligni spiritus incursu, te protegente, custodiantur. Per Christum Dominum nostrum. R. Amen.

Adspergat sal vel avenam aqua benedicta.

BENEDICTIO STABULI EQUORUM, BOUM ET ALIORUM ARMENTORUM

141. ¶. Adjutorium nostrum in nomine Domini. R. Qui fecit cœlum et terram.
¶. Dominus vobiscum. R. Et cum spiritu tuo.

OREMUS

Domine Deus omnipotens, qui Filium tuum unigenitum, Redemptorem nostrum, in stabulo nasci, et inter duo animalia in præcepio reclinari voluisti: benedic, quæsumus, hoc stabulum, et defende illud ab omni nequitia vel versutia diabolicæ fraudis; ut jumentis, pecoribus, ceterisque animantibus efficiatur locus sanus, et ab omni impugnatione securus. Et quoniam cognovit bos possessorem suum, et asinus præsepe domini sui: misericorditer tribue famulis tuis, quos ad imaginem tuam creasti, pauclo minus ab Angelis minuisti. et sub quorum pedibus subjecisti oves et boves universas insuper et pecora campi; ne comparentur jumentis insipientibus, et ne fiant sicut equus et mulus, quibus non est intellectus, sed te solum Deum auctorem bonorum omnium agnoscent, et in servitio tuo fideles perseverent, quatenus de perceptis muneribus tibi gratias exhibentes, beneficia potiora percipere me-

reantur. Per eundem Christum Dominum nostrum. ¶ Amen.

Deinde, si tunc in stabulo congregata fuerint animalia, addere poterit Sacerdos sequentes Orationes: Omnipotens sempiterne Deus qui gloriosum, etc., et Benedictionem tuam, etc., ut supra in Benedictione Equorum et Animalium, 276.

Postea adsparget aqua benedicta stabulum et animalia.

BENEDICTIO AD OMNIA

142. *Hæc benedictionis formula adhiberi potest a quovis Sacerdote pro omnibus rebus, de quibus specialis benedictio non habetur in Rituali Romano.*

- ¶. Adjutorium nostrum in nomine Domini.
¶. Qui fecit cœlum et terram.
¶. Dominus vobiscum. ¶. Et cum spiritu tuo.

OREMUS

Deus, cuius verbo sanctificantur omnia, benedictionem tuam effunde super creaturam istam (*vel* creaturas istas): et praesta, ut quisquis ea (*vel* eis) secundum legem et voluntatem tuam cum gratiarum actione usus fuerit, per invocationem Sanctissimi Nominis tui, corporis sanitatem, et animæ tutelam, te auctore, percipiat. Per Christum Dominum nostrum. ¶. Amen.

*Deinde illam (*vel* illas) Sacerdos adsparget aqua benedicta.*

BENEDICTIO PALMARUM VEL ALIORUM RAMORUM IN FESTO S. PETRI MART.

143. ¶. Adjutorium nostrum in nomine Domini.
¶. Qui fecit cœlum et terram.
¶. Domine, exaudi orationem meam.
¶. Et clamor meus ad te veniat.
¶. Dominus vobiscum. ¶. Et cum spiritu tuo.

OREMUS

Domine Jesu Christe, Filii Dei vivi, bene dic hos arborum ramos supplicationibus nostris et infunde eis, Domine, per virtutem sanctæ crucis, per intercessionem beati Petri Martyris, benedictionem cœlestem, qui triumphatus de hoste generis humani per manus puerorum palmas et arborum ramos in honorem tuum adhibere voluisti, talemque benedictionem signaculo sanctæ crucis accipient, ut in quibuscumque locis aliquid ex eis possum fuisse, discedant principes tenebrarum et contremiscant et fugiant pavidi cum omnibus ministris suis de locis vel habitationibus illis. Non ibi noceant fulmina et tempestates, non fructus terræ consumat aut deperdat ulla intemperies elementi, nihilque inquietet aut molestet servientes tibi omnipotenti Deo. Qui vivis et regnas in sæcula sæculorum. ¶. Amen.

Deinde adspergantur aqua benedicta.

CAPUT II

Benedictiones reservatae ab Episcopis,
vel aliis facultatem habentibus facienda (1)

BENEDICTIO SACERDOTALIUM INDUMENTORUM IN GENERE

144. ¶. Adjutorium nostrum in nomine Domini.
¶. Qui fecit cœlum et terram.
¶. Dominus vobiscum. ¶. Et cum spiritu tuo.

(1) I. An Episcopi sive ex jure ordinario sive ex consuetudine omnes benedictiones descriptas in Rituali Romano et reservatas, in quibus non intervenit sacra unctione, Sacerdotibus minoribus delegare possint?